

Fragment IX

Beinecke Rare Book & Manuscript Library MS 915 (Yale University Library, New Haven, CT)

Een fragment van *Die Rose* van Heinric bestaande uit twee bladen.

N.B. de (tekst)volgorde van de bladen is andersom dan benoemd door de Beinecke Library !
Dus Beinecke 2v is het eerste stuk tekst en recto-zijde; enzovoort; en Beinecke 1r is dus het vierde stuk tekst en verso-zijde:

Beinecke 2v (=1e stuk) is vanaf r.C13828 - C13923
Beinecke 2r (=2e stuk) is vanaf r.C13924 - C14019
Beinecke 1v (=3e stuk) is vanaf r.C14024 - C14115
Beinecke 1r (=4e stuk) is vanaf r.C14120 - C14211

en dat is op een paar (13) regels na het einde van *Die Rose* van Heinric (r. C14224) !
De tekst lijkt meer op Comburg dan op hss A/B.

N.B. blad Beinecke 1 (=2) is bovenaan afgesneden, waardoor steeds de eerste vier versregels per kolom missen.

De regelnummering tussen rechte haken is gebaseerd op het Comburgse handschrift.

Beinecke 2v (= 1e stuk):

	Al waric ooc hier allene	[=1ra]
	Sprac scaemte inne ware veruart *	
[13830]	Uenus hadde dit wel onwart	
	Ende seide dierne wat gaets v an	
	Waendi mi hier weder staen dan	
	Ghi sult sien dat v casteel	
	Onlanghe sal staen vp sijn toreel	
[13835]	Hine sal tumelen ende vallen	
	In die grachte al met allen	
	Hine werde mi vp gegheuen	
	Dat si alle sullen verliesen tleuen	
	Ende ooc mede sal ontsteken wale	
[13840]	Casteel thorre camere ende zale	
	Ende al tpotprijs also het steet	
	Salic neder werpen doen gereet	
	Ende daer mede wllen die grachten	
	Ende ooc werpen doen met crachten	
[13845]	Barbacane ende pylare	
	Ende scone omtfaen geuen doen daer nare	

- Die scone rose metten bottoene *
 Al sinen wille mede te doene
 Ende ghi sult so sere werden ondaen
 [13850] Dat al die werelt *daer* in sal gaen
 Sonder v te makene diere
 Beede ten rosen *ende* ten rosiere
 Alsic dat voorbouch hebbe gewonnen
 Vp te broken ende in geronnen
 [13855] Sone salre staende bliuen geheel
 Cruut rose no prayeel
 Inne salt al doen assaelgieren
 Omme dat sijt hem maken so *diere*
¶ Ver ialousie met haren zaken
 [13860] So salic so wijt doen maken
 Die passage diere toe sal gaen al
 Datter alle die wille lopen sal
 Sijn si porters sijn si cnapen *
 Sijn si rudders sijn si papen
 [13865] Ne gheen salre onge[..ent] gaen *
 Hine salre penitentie *ontfaen*
 Dan salment hebben ombes[t]reden *
 Sulc sal comen in hemelijcheden
 Ende ooc sulc mede opembare
 [13870] Die hemelike gaen sonder mare
 Ende sijn goede liede *vernaemt*
 Ende dandre sere gheblaemt
 Venus seide doe *ver* scamelheit
 Ic prise clene mine behendicheit
 [13875] Ne can ic v bedwinghen niet
 Mettien soe hare sprake liet
- [=1rb]
- Uenus scorte hare vp hoghe
 Soe nam brant *ende* boghe
 Ende haeldt inne wat soe mochte
 [13880] Ende scoot dor een maysier gat rochte
 Dat in den vorbouch was ghestaen
 Des casteels dat nature sonder waen
 Hadde geset tusscen .IJ. pilare
 Datmen cume conste werden geware
 [13885] Die pylare van selues waren
 Ende drougen ene scone beelde twaren
 Alst gheweist hadde een casse
 Dat beelde was bi compasse
 Ghemaect te groot no te clene
 [13890] Menne sach noit beelde ghene
 Van allen ledien so wel ghemaect
 Binnen hare so was ghestaect

Een helichdom dat soeter rooc
 Danne balseme of te wierooc
 [13895] Ende middel in die borch so stoet
 Dat scone beelde diere ende goet
 Inne sach noit so scone stat
 No die miere herten genoechde bat
 Ende die ic so gherne soude sien
 [13900] Ende kinnen mocht mi gescien
 Vor thelichdoem in die maysiere
 Daert mi te comene es diere
 Nochtan hebbic mine bedeuart
 Gelouet te gane dare wart
 [13905] So ic alre eerst mach te vuldoene *
 Met scarpe ende met bardoene
 Uenus ne woude clene no groot
 Langher letten soene scoot
 Den brant bernende starckelike
 [13910] In die borch al hemelike
 Dats haer ne gheen wert geware
 Vor dat sijt saghen daer nare
 Dat die borch ontstac van binnen
 Doe liepen si neder werd met sinne
 [13915] Ende riepen sere wi sijn verraden
 Wine mogen nieten gere genad[en] *
 Lopen wi wech het es tijt
 Wi hebben hier verloren den strijt
 Doe die vlein der dangier
 [13920] Geuoelde die hitte van den vier
 Ghinc hi vaste lopen ende vlien
 Sonder weder omme te sien
 So daden alle dandre met

Beinecke 2r (= 2e stuk):

[13925] Daer ne was een twint niet ghelet Deen na den andren ne vloen henen Wat si mochten vort wert al tenen Ende dat vier ghinc vte breken Ende ghinc al die werelt ontsteken So datment geblusscen ne can Het ne bernet wijf ende man Ende sal bernen sonder vergaen Tote dat die werelt sal staen Het es tfier van der mimmen Dat al die werelt doet ontsinnen [13935] Ende so lanc so meer begeren	[=1va]
--	--------

- Dat hem *herte* ende sin sal *verteren*
 Elc soe slater an die hant
 Diet tvier stoeket *ende* den brant
 = Doe die burch al was ontsteken *
 [13940] Quam mettien vort gestreken
 Mijn vrouwe *ver* houesscede
 Die hare sere pijnde ter stede
 Dat soe die sconfelture gesach
 Om*me* te helpene waer soe mach
 [13945] Vten viere hare lieue kint
 Dat soe met *herten* sere mint
 Ende met hare so quam vrihede
 Ende ooc mede ontfarmichede
 Dies ne lieten in ghere wisen
 [13950] Sine sponggen binnen porprisen
 Ende dor tfier niet ne lieten staen
 Sine quamen tote scone *ontfaen*
 ¶ Houscheit sprac voren die tale *
 Scone onfaen seit soe weet wale
 [13955] Dat ic gehadt hebbe grote onraste
 Om*me* datmen v so vaste
 Heuet gehouden *in* desen sere
 God gheue hem grote onnere
 Diet v heuet gedaen
 [13960] Nochtan sidijs nv ontgaen
 Nadien dat quade tonge es doot
 Hine mach nv clappen clene no *groot*
 Ghine dorren Ialousien ooc niet onsien
 Maer sult met vwen lieue plien
 [13965] Al hemelike een goet leuen
 Hier nes nv niemen bleuen
 Die v wachten sal of mesdoen
 Want si alle sijn gevloen
 Lieue kint dor god nv siet
 [13970] Ne laet v hier verbernen niet
 Want ics v bidde ende vryhe[.] *
 Ende mijn vrouwe ontfarmichede
 Dat ghi den minre wilt onfaen
 Die v heuet gheweist onderdaen
 [13975] Ende sal sijn al sijn leuen
 Sonder emmermee te begheuen
 = Noch verstaet mi lieue kint *
 Ic secghe v dat die minne *verwint*
 Alle dinc waer om*me* dat wi
 [13980] V bidden vriendelike dat ghi
 Ieghen den minre v wilt gemate*n*
- [=1vb]

Ende die rose plucken laten
Scone ontfaen was al bedocht
Sijn euelmoet was hem gesocht
[13985] Hi seide vrouwe ic doet gherne
Sonder hem tontsegne ofte weyne
Mach hi plucken hier ter stede
Want wi hier hemelike sijn beede
¶ Doe dancte hem die minnere sere
Ende seide god loue v der ere
Hi nam scarpe ende bordoen
Also die gone die wilden doen
Sine bedeuert ende hem quiten sciere
Sinen wech nam in die maysiere
[13995] Ende drouch met hem den seluen staf
Ende die scarpe die hem gaf
Nature die hare wel verstaet
Van enen velle sonder naet
Die scarpe was niet ydel te waren
Want daer binnen so waren
.ij. wel gheraecte hamerkine
Die nature al sonder pine
Ghemaect hadde ende hem gegeuen
Dies hi hare dancte al sijn leuen
[14000] Hi verstont dat hiere mede soude
Sijn pert beslaen als hi woude
Als hi dickent dede binden iare
Hine hadde so wel ludende snare
Vp sine cytole vp sine harpe
Die hi lieuer hadde dan die scarpe
Nature hadde hem grote ere gedaen *
Die hem sulke wapene dede ontfaen
Ende leerde den huusch ende den sede
Daer hi werd goet werckman mede
[14005] Dies hi hare dancte te meniger vr[en] *
Van der ghifte der nature
Want hiere dickent ruste hadde bi
Te meniger stat al daer hi
Hemelike woude gaen

Beinecke 1v (= 3e stuk):

[...] * [=2ra]
Danne was hi versekert bat
[14025] Dat hi verlicgen niet ne soude
Als hiere in varen woude

- Nochtan ne was sijn bordoen
 Niet so lanc dat hijt gedoen
 Of ghesteken conste te gronde
- [14030] Dat hi den bodem vinden conde
 ¶ Mar hoe hi vort vart willic zuigen
 Ende wille v secgen sonder prighen
 Hoe hi sine dinc vulbrachte
 In der nacht hi met hem brachte
- [14035] Doe hi pensde dat hi striden soude
 Ane dat helichdoem menichfoude
 So langhe ghinc hi haren tare
 Dat hi pusschen die .ij. pylare
 Gaende quam als een degen coene
- [14040] Met sinen groten stiden bordoene
 Ende knielde neder ten beelde wart
 Als die gone die sere begart
 Daer voren te sprekene sine bedinge
 Met begerten sonderlinghe
- [14045] Dat beelde was geullen neder
 Van groter hitten want weder
 Tfier niet ne conste ghestaen
 Het ne moeste neder vallen saen
 Als die pelegrijn dat ghesach
- [14050] Dat thelichdoem ter arden lach *
 So trac hi al stillekine
 Achter weder die godine
 Ende dwanc hem ant helichdom vaste
 Dat hem dede wel grote raste
- [14055] Hi cusset met deuocioene
 Ende staect met sinen stiuen bordoene
 Daer die scarpe achter hinc ane
 Vp die maysiere met goeden slane
 Haddi gherne int vleesch gescoten *
- [14060] Maer hi moeste eer dicken stoten *
 Omme dat hem hare outare ontvlo *
 Ne conste hiere niet in comen so
 Want een palays vant hiere voren
 Dat versekert hadde die doren
- [14065] Dat hi geuoelde ende niene sach
 Want vp den eersten dach
 Dat die maysiere was gefondeert
 [...] *
- [14075] Dicken stoten ende dicken faelgieren
 Die dat huustijjn hadde gehoort
 Ende dan gedacht hadde vort
 Hoe hercules calcuse wilde slaen
- [=2rb]

Die .IJ. *warf* vor hare porte *ginc* staen
 Ende .IJ. *warf* assaelgierde
 Ende .IJ. huuste *ende* .IJ. faelgierde
 Van moetheden *omme* te helne weder
 [14080] Ghinc hi .IJ. *warf* sitten neder
Maer die minnere als te voren
Omme sine adre die hi hadde *verloren*
 Die vp die maysiere lach *ende* vacht
 Met algader siere cracht
 [14085] Dat hem ouer al dat zweet
 Vten liue liep ghereet
 Hi was also moede gelooft des
 Of moeder vele dan hercules
 So langhe hurti dat hi vant
 [14090] Enen nauwen pat te hant
 Daer hi niet waende comen *binnen*
Maer hi moet tpalays ontghinnen
 Bi desen nauwen pade allene
 Die so nauwe was *ende* so clene
 [14095] Daer hi die passage sochte
 Met al dien dat hi *vermochte*
 Brac hi tpalays hi was so coene
 Met sinen *starken* stiuen bordoene
 So *warp* hi hem in die maysiere
 [14100] Daert in comen nauwe was *diere*
 Nochtan was hem ongereeet
 Al in te gane dat was *hem* leet
 Doch croot hi so langhe
 Dat tbordoen *in ginc* bi bedwange
 [14105] *Maer* die scarpe buten bleef
 Daer hi tbordoen mede *in* dreef
 Metten .IJ. hamerkine
 Dat in ghinc met groter pine
 So nauwe was die pas te waren
 [14110] *Omme* datter niemen *in* was geuaren
 Danne hi al moeder ene
Maer hine weet of man ne ghene
 Iemene el sulc voordeel dede
 Ghelike hem vp houeschede
 [14115] Dies hi niet soude gelouen moge

Beinecke 1r (= 4e stuk):

[14120] [...] * [=2va]
 Al eist datmer blame ane siet

[14125] Maer doch was hi dies seker wel
Datter niemen te voren el
Ne hadde ghegaen dien pat
Danne hi allene verstaet dat
Daerne was ander intreie ghene
Danne hi selue al moeder ene
Daermen te poynte of mochte doen
Van sinen stale den bottoen
Nv mogedi horen ende verstaen

[14130] Hoe hi den knop ghinc bestaan
Doe hine hadde na sijn begeren
Dat ghijt weet ne mach niet dereⁿ
Of ghijs noch iet hadt te doene
Als ghi comt inden soete saysoene

[14135] Ende ghi knapen plucken wilt gaen
Knoppen ende rosen die scone staen
Ic rade v dat ghise behendelike leist
Dat ghi bedroghen niet ne weist
Doet also ghi hier moget horen

[14140] Vp dat ghijs niet bet cont te voren
Ende ne condijt niet doet alsic v wise
Ghi sullets lof hebben ende prise
¶ Die minnere die gedrongen lach

[14145] Ane die maysiere so hi best mach
Hi moeste sine hant wel steken vp
Dor die telghe al toten trop *

¶ Doe bad hem sere scone ontaen
Datter niet ne worde gedaen

[14150] Outrage ghene no ouerdaet
Die minnere hadde den raet
Dat hijt hare ghelouede vaste
Omme hem te doene meerre raste

[14155] Omme die middele so nam hi
Den rosier ende dwanckene he bi *
Ende begonste die telgre roeren
Scudden ende hutsen sonder mesuoeren

[14160] Ne waer niet dat si braken iet
Maer hine conste gelaten niet
Hine moetste die scortse ontghinnen
Anders ne condi niet gewinnen
Van den rosen sijn gherief
Die hi wert hadde ende lief
So verre vort so voeren si

[...] *

Ende den wech daer in te leerne

[=2vb]

[14170] Ende die padē rechte ende cromme
Ghinc hi tzeerken al omme
Ende dede minghen daer die sade
Somen hadse met ghenen rade
No met liste ghesceeden weder
Mar die knop hi was neder

[14175] Gheuallen in dat groene gras
Dat scone ende moru was
Die opendi ende wide mede
Dit was al dat hi mesdede
Ende voer daer also met liste

[14180] Dat soes hem geen ondanc wiste
No aercheit ne gheen pensde
Also die gone die hem niet vensde
Ende ghedogede lude ende stille
Te doene al sinen wille

[14185] Maer doch clagedi blodelike
Ende seide te hem al die gelike
Met nedren sachten worden
Dat hi te broken hadde vorworde
Ende ouerdaet an hem gedaen

[14190] Daer hi te sere an hadde mesdaen
Ende dies hi ware tongemake
Nochtan hoe hi clagede die sake
Hi liet hem plucken al te gadre
Rose telgre bloemen ende bladre

[14195] Ende alle te sinen wille lecghen
Sonder enich weder secghen
Doe hi hem sach in desen staet
Ende ghecomen in so hoghen graet
Datti hem in allen sinnen

[14200] Venuse ende den god van minnen
Ende alle die baroene mede
Hi sprac sine gracie daer ter stede
Met cussene wel vriendelike
Hem ne gedachte niet sekerlike

[14205] Van redene die hare pine verloos
Ende te castiene plach altoos
Ende nemmer hebs rijchede danc
Die hem ontseide den inganc
Van den padē dien hi hoede

[14210] Ende hem sweges niet te goede
Ne liete dat hiere binnen ware comen

NOTEN:

- r. 13829: representant voor een paragraafteken; ‘s’ van ‘Sprac’ met rood gerubriceerd
- r. 13847 (e.a.) Rose met majuskel, ook bij Rosier, Rudders, Raste, Redene elders; Knop ook met majuskel
- r. 13863: Sijn si porters sijn si cnaben / Sijn si rudders sijn si papen: ‘porters mogelijk op rasuur [rudders?]’
- r. 13865: ‘onge[heent] gaen’ onleesbaar; in hss. ABC staat ‘achter gaen’
- r. 13867: ‘ombes[t]reden’ onleesbaar; in hs. C staat ‘bestreden’, in hss. AB staat ‘onbeseden’ vervaagde initiaal U in blauw over twee regels (representant ‘v’ zichtbaar)
- r. 13905-07: So ic alre [GAT] eerst mach te vuldoene / Met scarpe [GAT] ende met baidoene / **U**enus ne [GAT] woude clene no groot; gat in het perkament over 3 regels, er is omheen geschreven
- r. 13916: ‘genad[en]’ moeilijk leesbaar
- r. 13939: in de linkermarge een representant voor een paragraafteken; de eerste letter is wel met rood opgehoogd, maar is geen initiaal of hoofdletter (‘doe’)
- r. 13953: in de linkermarge een paragraafteken in rood (en representant ervoor). **H**ouescheit sprac [GAT] voren die tale / Scone ontfaen seit [GAT] soe weet wale; gat in het perkament over 2 regels, er is omheen geschreven
- r. 13971: ‘vryhe[de]’ de laatste twee letters zijn onleesbaar door vouw in het perkament (later ontstaan?). In hss. ABS staat ‘vrihe(i)de’
- r. 13977: in de linkermarge een representant voor een paragraafteken; de eerste letter is met rood opgehoogd (‘Noch’)
- r. 14011: de versregel in de linker kolom is te lang, waardoor in de rechter kolom de versregel iets naar rechts begint/staat
- r. 14015: ‘vr[en]’ laatste twee letters zijn onleesbaar door vouw in het perkament (later ontstaan?). In hss. ABS staat ‘vren’
- 14020-23: afgesneden rand van perkament
- r. 10050: kolomhoofdletter D verbeterd uit een andere letter [T?]
- r. 14059-60: Haddi gherne int vleesch gescoten / Maer hi moeste eer dicken stoten: ‘gescoten’ t uit r verbeterd, ‘stoten’ t uit r verbeterd
- r. 14061: er staat ‘ontare’, lees ‘outare’
- 14068-71: afgesneden rand van perkament
- 14116-19: afgesneden rand van perkament
- r. 14146: er staat ‘trop’, maar lees ‘cnop’; in hs. C staat ‘crop’ en in hss AB staat ‘cnop’
- r. 14154: er staat ‘he’, maar lees ‘hem’
- 14164-67: afgesneden rand van perkament

OPMERKINGEN:

De eigennamen zijn door een latere hand onderstreept: met name de allegorische personages als Ialousie, God van Minnen, Venus, Minnere en soms Rose. Niet onderstreept zijn bijvoorbeeld Hercules en Calcuse, ook niet Nature.

Opvallend is het gebruik van majuskels (met name de R): bij Rose/Rosier en ook bij Knop.

Initialen en paragraaftekens zijn afwisselend rood en blauw gerubriceerd, het blauw is helemaal vervaagd echter. Representanten zijn nog zichtbaar.

LITERATUUR:

[in voorbereiding artikel door D.E. van der Poel en J. Oosterman]